



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti za poklanjanje digitalnog interaktivnog uređaja Historijskom muzeju BiH, nabavljenog u okviru projekta „IVA”, finansiranog iz UNESCO fonda (Prijedlog)

Predlagač: Gradonačelnik

Obrađivač: Gradska služba za održivi razvoj

Sarajevo, mart 2025. godine

Adresa: Hamdije Kreševljakovića 3

71 000 Sarajevo

Tel.: +387 33 216 659

Fax: +387 33 205 874

Email: gsgv@sarajevo.ba

Web: gradskovijece.sarajevo.ba



Na osnovu člana 31. stav (1) tačka k) i tačka v) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2025. godine, donijelo je

(Prijedlog)

**Odluku
o davanju saglasnosti za poklanjanje digitalnog interaktivnog uređaja Historijskom muzeju BiH, nabavljenog u okviru projekta „IVA“, finansiranog iz UNESCO fonda**

Član 1.

Ovom odlukom daje se saglasnost gradonačelniku Grada Sarajeva za poklanjanje digitalnog interaktivnog uređaja Historijskom muzeju BiH, nabavljenog u okviru projekta „IVA“, finansiranog iz UNESCO fonda, u ukupnoj nabavnoj vrijednosti od 2.924,41 KM, umanjenoj za vrijednost amortizacije do trenutka vršenja primopredaje krajnjem korisniku.

Član 2.

Digitalni interaktivni uređaj iz člana 1. ove odluke koji se poklanja Historijskom muzeju BiH čini jedan (1) 32-inch LCD Touch Screen Kiosk.

Član 3.

Gradsko vijeće Grada Sarajeva daje ovlaštenje gradonačelniku Grada Sarajeva da u ime i za račun Grada Sarajeva sa subjektom iz člana 1. ove odluke zaključi ugovor o poklonu.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo, __. __. 2025. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka k) i tačka v) Statuta Grada Sarajeva, kojima je propisano da Gradsko vijeće upravlja i raspolaze imovinom Grada Sarajeva, te donosi odluke o davanju saglasnosti.

RAZLOZI DONOŠENJA

Projekat „IVA – Inkluzivnost i vidljivost za održivi kulturni razvoj” finansiran je iz fondova tematskog prozora „Zaštita i osnaživanje kulturne baštine za održivi razvoj“ – UNESCO, u okviru poziva za prijedloge „Kultura i kreativnost za zapadni Balkan“ (CC4WBs). Ovo je prekogranični projekat sa Crnom Gorom, a partneri na projektu su Muzej književnosti i pozorišne umjetnosti BiH, Historijski muzej BiH, JU Gradski muzeji Sarajevo, te Grad Podgorica kao i Muzeji i galerije Podgorice.

Projekat predviđa institucionalno umrežavanje za inkluziju kulturno-historijskog naslijeđa Bosne i Hercegovine i Crne Gore, aktivnosti kroz edukaciju i opremanje pomenutih muzeja, te dizajniranje inovativnih muzejskih suvenira i opremanje prostora za prodaju istih.

Ukupna vrijednost projekta je 94.854,00 EUR/185.518,30 KM, od čega je za aktivnosti Grada Sarajeva kao vodećeg partnera planirano blizu 110.000,00 KM. Trajanje projekta je predviđeno do kraja juna 2025. godine.

Jedna od aktivnosti na projektu je i nabavka digitalnog interaktivnog uređaja za potrebe Historijskog muzeja BiH, u ukupnom predviđenom iznosu od 2.924,41 KM.

Digitalni interaktivni uređaj koji se poklanja Historijskom muzeju BiH čini 32-inch LCD Touch Screen Kiosk.

Kako se radi o stalnim sredstvima Grada Sarajeva, potrebna je saglasnost Gradskog vijeća Grada Sarajeva za poklanjanje digitalnog interaktivnog uređaja Historijskom muzeju BiH, a u skladu sa projektnom aplikacijom i dinamikom projekta.

FINANSIJSKA SREDSTVA

Za realizaciju ove odluke nisu potrebna finansijska sredstva.

**UGOVOR O POKLONU DIGITALNOG INTERAKTIVNOG UREĐAJA
HISTORIJSKOM MUZEJU BIH, NABAVLJENOG U OKVIRU PROJEKTA
"IVA" FINANSIRANOG IZ UNESCO FONDA**

1. GRAD SARAJEVO, Hamdije Kreševljakovića broj 3, Sarajevo, kojeg zastupa gradonačelnik Predrag Puharić (u daljnjem tekstu: Poklonodavac),
i
2. Historijski muzej BiH, ulica Zmaja od Bosne 5, kojeg zastupa direktorica Elma Hašimbegović, (u daljnjem tekstu: Poklonoprimac).

Član 1.

Poklonodavac je vlasnik digitalnog interaktivnog uređaja kojeg čini jedan (1) 32-inch LCD Touch Screen Kiosk, kojeg kao izraz prijateljstva i dobre saradnje, bez ikakve naknade ili tereta, poklanja Poklonoprimcu, u skladu s Odlukom o davanju saglasnosti za poklanjanje digitalnog interaktivnog uređaja Historijskom muzeju BiH, nabavljenog u okviru projekta "IVA", finansiranog iz UNESCO fonda („Službene novine Kantona Sarajevo“, broj: __/25).

Član 2.

Poklonoprimac prihvata predmet ugovora iz člana 1. ovog ugovora i saglasan je da od Poklonodavca primi digitalni interaktivni uređaj u vlasništvo po osnovu poklona. O izvršenoj primopredaji bit će sastavljen poseban zapisnik.

Član 3.

Ukupna nabavna vrijednost digitalnog interaktivnog uređaja koji je predmet poklona iz člana 2. ovog ugovora iznosi 2.924,41 KM, umanjena za vrijednost amortizacije do trenutka poklanjanja krajnjem korisniku.

Član 4.

Poklonodavac je saglasan da se Poklonoprimac može upisati kao vlasnik digitalnog interaktivnog uređaja iz člana 1. ovog ugovora u registar kod nadležnog organa, bez njegovog naknadnog prisustva i naknadne saglasnosti.

Član 5.

Eventualne troškove u vezi zaključenja ovog ugovora i prenosa prava vlasništva nad digitalnim interaktivnim uređajem snosi Poklonoprimac.

Član 6.

Predmetni ugovor je izraz slobodne volje ugovornih strana, sačinjen bez prevare, prinude, prijetnje i zablude, pa ga kao takvog, ugovorne strane saglasno potpisuju.

Član 7.

Na odnose između ugovornih strana koji nisu regulisani ovim ugovorom primjenjuju se odredbe Zakona o obligacionim odnosima.

Član 8.

U slučaju spora po ovom ugovoru, ugovorne strane će nastojati isti sporazumno riješiti, u protivnom saglasne su da prihvataju nadležnost suda u Sarajevu.

Član 9.

Ovaj ugovor stupa na snagu danom potpisa obje ugovorne strane.

Član 10.

Ugovor je sačinjen u 4 (četiri) istovijetna primjerka, od kojih svaka ugovorna strana zadržava 2 (dva) primjerka ugovora.

Poklonodavac

Grad Sarajevo
Gradonačelnik

Predrag Puharić

Broj: 01/ __ - __ - ____ /25
Sarajevo, __. __. 2025. godine

Poklonoprimac

Historijski muzej BiH
direktorica

Elma Hašimbegović

Broj:
Sarajevo,